



- Emma:** Kiik iinjsen, deer sat je di grute brouder foon Benten bai e kas – dāt as wälj san feerienbântje.
- Paul:** Dü, din üülj pāp fält gliks üt e inkuupswoin, pāås aw! Taatje, tånkst dü am min marmelood?
- Paulens taatje:** Klåår, ik häåw’s ål önj e hönj. Schal ik gliks tou gläåse manaame? Ik koon ai fåli leese, wat mam aw min säadel schraawen heet.
- Paul:** Nam trii! Kiik, Emma! Deer as Oke. Wat heet hi duch en grut kast ma butle önjslaawd!
- Oke:** Moin, Paul än Emma! Da häåw ik me tou waage lung önjt toorp tuhuupesoomeld. Foon dāt giilj kuup ik me gliks schokeloode än uk koorde for et pāpneteooter.
- Emma:** Wat lungwiili! Mååget dāt ouerhood spoos?
- Oke:** Klåår, dāt as en gou ferteeling, deer jeeft et foole tu lååken.
- Paul:** Dan wan we deer uk haane! Iinjsen kiike. Emma, koost dü me deer uk iinj foon da latje kååge üthååle?
- Emma:** Nåån, dāt gungt ai! Dü koost duch siinj, dāt’s åltu huuch awt riich lade. Deer mötj dan taatje iinjsen heelp.

- Paulens taatje:** Täiw iinjsen, ik mååg dåt! Ouers we mönje dåt bio-håkfååsch ai ferjeese, mam wal duch lasanje mååge. Emma än Oke, wan jam ma üs ääse? Dan kuupe we en lait mör in!
- Emma än Oke:** Oo fain, dåt wan we hå!
- Paul:** Sü, nü påk ik nuch en dous ma årte in än dan häåwe we åles üt jüheer jarn. Weer Bentens brouder dåt wålj åles turuchte fäit? Man waane Haie säit, dåt hi da ferkiirde prisinge intipet!
- Emma:** Dåt stimt was ai – bai Hansen as et mån åles ai sü bili.
- Paulens taatje:** Dåt as wäär! Dan långt dåt nü uk. We gunge nuch gau iinjsen haane tu e flååschteek än deerefter betååle we. For Tufeln än Minken kuupe we nuch hünekaåge än dåt gou kåtefouder.